



Narcotics Anonymous

Pse jemi këtu?

Para se të vinim në bashkësinë e NA, nuk mund ta menaxhonim jetën tonë. Nuk mund të jetonim dhe ta shijonim jetën si njerëzit e tjerë. Na duhej diçka ndryshe dhe mendonim se e kishim gjetur te droga. Vendosëm përdorimin mbi mirëqenien e familjeve tona, bashkëshortëve tanë dhe fëmijëve tanë. Duhej të kishim drogë me çdo kusht. Dëmtuam shumë njerëz, por më shumë se të gjithë dëmtuam veten. Për shkak të paaftësisë sonë për të pranuar përgjegjësitë personale, në thelb i krijonim vetë problemet tona. Dukej se nuk ishim të aftë ta përballonim jetën sipas kushteve të saj.

Shumica prej nesh e kuptuan se gjatë përdorimit po vetëshkatërroheshim ngadalë, por varësia është një armik aq dinak i jetës, sa që kishim humbur fuqinë për të bërë diçka për këtë. Shumë prej nesh përfunduam në burg, ose kërkuam ndihmë te ilaçet, feja apo psikiatria. Asnjëra nga këto metoda nuk ishte e mjaftueshme për ne. Sëmundja jonë gjithmonë rishfaqej ose vazhdonte të përparonte, derisa të dëshpëruar kërkuam ndihmë nga njëri-tjetri te Narkomanët Anonimë.

Pasi erdhëm në NA, kuptuam se ishim njerëz të sëmurë. Vuajmë nga një sëmundje për të cilën nuk ka shërim të njohur. Megjithatë, ajo mund të ndalet në një moment dhe atëherë shërimi bëhet i mundur.